



O. Langenstein.

v

Def.



PARVUS

CATECHISMUS

PRO

PUERIS IN SCHOLIS.

PER

D. MARTINUM
LUTHERUM.



ABOÆ,

Excudebat JOHANNES Winter/
Typ. Reg. Finland. A. 1704.

JOHANNES SAUROMANNUS
HERMANNO CROIO
RUBIANO.
S. D,

Nemo non est in ea sententia, consultissimum esse, Pueros statim ab ineunte etate, Christianae pietatis principia, sedulo ac diligenter imbibere. Quod cum ē nullius hominis scriptis quam D. MART. LUTH. omnium hujus artis Theologorum principis, commodius fieri posse existimarem, ut cung, donavi Latinitate ejusdem Viri Libellum, quem parvum Catechismum vocant, in hoc, ut pueris meis, qui jam hæc rudimenta Germanicè novent, eadem latine quoq, discenda proponerem. Et quia hic libellus, humanissime Hermanne, ipsius Autoris consilio ac jussu in publicum emittendus erat, eum tibi dicare placuit, ut pro singulari tuo erga me amore, qualemq, tandem grati animi significationem offendicerem. Et bona spes habet me, fore ut hanc nream operam pro tua humanitate, equi boniq, consulturus sis. Vale feliciter. 3. Calend. Octobr.

Anno 1577
Die 3 Decembri

A

A B C D
E F G H
I K L M
N O P Q

R S T U V W X Y Z.

a b c d e f f f g h i k l m n o p q r s s t u
v w x y z

A a b c d e f f f g h i k l m n o
p q r s s t u v x y z.

Vocales.

a e i o u.

Diphthongi.

Sic scribun-		z	Sic legun-		e
tur		æ	tur		e
		au			au
		eu			eu
		ei			i

CON.

Hen: Pumeling

CONSONANTES.

b e d f g h k l m n p q r s t x z.

Sequuntur syllabæ.

Consonantes Vocalibus antepositæ.

Ba	Be	Bi	Bo	Bu
Ca	Ce	Ci	Co	Cu
Cha	che	chi	cho	chu
Da	de	di	do	du
Fa	Anno	fi	fo	fu
Ga	ge	gi	go	gu
La	le	li	lo	lu
Ma	me	mi	mo	mu
Na	ne	ni	no	nu
Ra	re	ri	ro	ru

Vocales præpositæ Consonantibus.

Ab	eb	ib	ob	ub
Ac	ec	ic	oc	uc
Ad	ed	id	od	ud
Af	ef	if	of	uf
Ag	eg	ig	og	ug
Al	el	il	ol	ul
Am	em	im	om	um

Vocales inter duas Consonantes.

Bab	beb	bib	bob	bub
Bac	bec	bic	boc	buc
Bad	bed	bid	bod	bud

Bal

Bal	bel	bil	bol	bul
Bag	beg	big	bog	bug

Duae Consonantes ante Vocales.

Bda	bde	bdi	bdo	bdu
Bla	ble	bli	blo	bla
Bra	bre	bri	bro	bra
Cla	cle	cli	clo	clu
Cma	cme	cmi	cmo	cnu
Cna	cne	cni	cno	cnu

Tres Consonantes Vocalibus Præpositæ.

Stla	stle	sti	stlo	stu
Stra	stre	tri	stro	tru

Consonantes Vocalibus postpositæ.

Abs	ebs	ibs	obs	ubs
Alx	elx	ilx	olx	ulx
Anc	enc	inc	onc	unc
Ans	ens	ins	ons	uns
Arg	erx	irx	orx	urx

PRÆCIPUA CAPITA CHRISTIANÆ DOCTRINÆ,
sive explicatione.

DECEM PRÆCEPTA.

Primum.

NOn habebis DEos alienos coram me,

Jud Iod Secundum.

Non assumes Nomen Domini Deitui invanum: Non enim habebit in sonum Dominus eum , qui assumserit nomen ejus in vanum.

Tertium

Memento ut diem Sabbati sanctifices.

Quartum.

Honora Patrem tuum & Matrem tuam, ut sis longævus super terram.

Quintum.

Non occides.

Sextum.

Non mœchaberis,

Sep.

Septimum.

Non furtum facies.

Octavum.

Non loqueris contra proximum tuum falsum testimonium.

Nonum.

Non concupisces domum proximi tui.

Decimum.

Nec desiderabis uxorem ejus, non servum, non ancillam, non bovem, non Asinum, nec omnia quæ illius sunt.

De his præceptis omnibus sic dicit Deus Exodi vigesimo.

Ego Dominus DEUS
tuus, sum fortis zelotes,
visitans iniquitatem patrum
in filios, in tertiam & quar-
tam generationem eorum,
qui oderunt me. Et faci-
ens misericordiam in millia,
his qui diligunt me, & cu-
stodiunt præcepta mea.

SYMBOLUM APOSTOLICUM.

Credo in DEum patrem omnipotentem,
creatorem cœli & terræ. Et in JESUM
Christum Filium ejus unicum Dominum
nostrum. Qui conceptus est de Spiritu san-
cto, Natus ex Maria Virgine. Passus sub
Pontio Pilato, crucifixus, mortuus & se-
pultus, Descendit ad inferna. Tertia die
resurrexit à mortuis, Ascendit ad celos,
Sedet

Sedet ad dextram DEI Patris omnipotentis;
Inde venturus est judicare vivos & mortuos.

Credo in Spiritum Sanctum, Sanctam Ecclesiam Catholicam: Sanctorum communionem: Reparationem peccatorum, Carnis resurrectionem & vitam æternam, Amen.

ORATIO DOMINICA.

PATER noster, qui es in cœlis, Sanctifi-
cetur nomen tuum. Advenias regnum
tuum. Fiat voluntas tua. Sicut in cœlo, sic
& in terra. Panem nostrum quotidianum
da nobis hodie. Et remitte nobis debita
nostra, sicut & nos remittimus debitoribus
nostris. Et ne inducas nos in temptationem;
Sed libera nos à malo. Quia tua est re-
gnum, & potentia, & gloria, in secula se-
culorum, Amen.

DE SACRAMENTO BAPTISMI.

Matthæi ultimo.

Euntes docete omnes gentes. Baptizan-
tes eos in nomine Patris, & Filii, & Spi-
ritus sancti.

Et Marci ultimo.

Qui crediderit & baptizatus fuerit, salvus
erit, qui vero non crediderit, condemnabitur.

DE SACRAMENTO ALTARIS.

DOMINUS noster JESUS CHRISTUS,
In ea nocte, qua traditus est, accepit pa-
nem, & postquam gratias egisset, fregit &
dedit discipulis suis, dicens: Accipite, co-
medite, hoc est corpus meum, quod pro
vobis datur. Hoc facite in mei comme-
morationem.

Similiter & postquam cœnavit, accepit
calicem, & cum gratias egisset, dedit illis,
dicens: Bibite ex hoc omnes, Hic calix no-
vum Testamentum est in meo sanguine, qui
pro vobis & multis affunditur, in remissio-
nem peccatorum. Hoc facite quotiescum-
que biberitis in mei commemorationem.

DE POTESTATE CLAVIUM REGNI COELORUM.

Job. 20.

Sicut misit me PATER, ita & ego mitti
vos. Accipite Spiritum sanctum. Quo-
rumcunque remiseritis peccata, remittuntur
eis, Quorumcunque retinueritis retinen-
tur eis,

Quo

Quo pacto Pædagogi suos Pueros
Decem Præcepta simplicissime docere debeant.

I.

Non habebis Deos alienos coram me!

Quid hoc sibi vult? Responso.

Debemus DEum supra omnia timere, diligere, ac illi confidere.

II.

Non assumes Nomen Domini Dei tui in vanum: Non enim habebit in fonte Do-
minus eum qui assumserit nomen ejus in
vanum.

Quid hoc sibi vult? Responso.

Debemus DEum timere & diligere, ne per
nomen ejus maledicamus, juremus, incante-
mus, mentiamur, aut dolis fallamus: Sed
in omni necessitate illud invocemus, adore-
mus, & cum gratiarum actione laudemus.

III.

Memento ut diem Sabbati sanctifices:

Quid hoc sibi vult? Responso.

Debemus DEum timere & diligere, ne di-
vinos sermones & ejus verbum contemna-
mus: Sed ut sanctum reputemus, libenter
audiamus & discamus.

Honora Patrem tuum & Matrem tuam, ut
sis longævus super terram.

Quid hoc sibi vult? Responso.

Debemus Deum timere & diligere, ne pa-
rentes & dominos nostros contemnamus, ne-
que ad iram commoveamus: Sed honore af-
ficiamus, illis serviamus, morem geramus, a-
more eos prosequamur & magni faciamus.

Non occides.

Quid hoc sibi vult? Responso.

Debemus Deum timere & diligere, ne vi-
ta proximi nostri incommodemus aut ægrè
faciamus: Sed illum adjuvemus & promo-
veamus, in omnibus vitæ & corporis necessi-
tatis & periculis.

Non mœchaberis,

Quid hoc sibi vult? Responso.

Debemus Deum timere & diligere, ut ca-
ste & pudice vivamus, in verbis ac operi-
bus, & unusquisque suam conjugem amet
& honoret.

Non furtum facies,

Debe-

Quid hoc sibi vult? Responso.

Debemus Deum timere & diligere, ne proximo suam pecuniam, aut bona sua auferamus, neq; falsis mercibus aut impostura ad nos pertrahamus. Sed demus operam, ut illius opes conservantur, & ejus conditio melior reddatur.

VIII.

Non loqueris contra proximum tuum falsum testimonium.

Quid hoc sibi vult? Responso.

Debemus Deum timere & diligere, ne proximum falsis mendaciis involvamus, produamus, traducamus, aut infamia aliqua afficiamus: Sed illum excusemus, bene de eo sentiamus & loquamur, omnia in meliorem partem interpretantes.

IX.

Non concupisces domum proximi tui.

Quid hoc sibi vult? Responso.

Dabemus Deum timere & diligere, ne haereditatem vel domum proximi dolomalo capiemus, & sub specie juris & recti nostris facultatibus adjungamus. Sed potius eum juvemus ut suas fortunas retineat integras.

Nec desiderabis Uxorem ejus, non servum,
non ancillam, non bovem, non asinum, nec
omnia quæ illius sunt.

Quid hoc sibi vult? Responsio.

Debemus Deum timere & diligere, ne à
proximo uxorem, servos, ancillas, vel pecu-
des suas ab alienemus aut abstrahamus: Sed il-
los adhortemur & urgeamus ut maneant, &
suum officium diligenter faciant.

*Quid autem summatim dicit Deus de his
præceptis omnibus? Resp.*

Sic dicit Exodi 20.

Ego Dominus Deus tuus, sum fortis zelo-
tes, visitans iniquitatem Patrum in filios, in
tertiam & quartam generationem eorum,
qui oderunt me: Et faciens misericordiam in
multa millia, his qui diligunt me, & custo-
diunt præcepta mea.

Quid hoc sibi vult? Responsio.

Deus minatur pœnam omnibus, qui ista
præcepta transgrediuntur. Debemus itaq; ex-
pavescere, & timere iram Dei, & nihil contra
hujusmodi præcepta facere: Rursus promiuit
etiam suam gratiam, & omnia bona, omni-
bus qui ista mandata observant. Merito igitur
debemus nos Deum diligere, & illi confidere,

&

& juxta mandata ejus omnem nostram vitam
sedulo & diligenter instituere.

QUO PACTO PÆDAGOGI SU- OS PUEROS SYMBOLUM APO- stolicum simplicissime docere debeant.

ARTICULUS PRIMUS.

DE CREATIONE.

Credo in DEUM Patrem omnipoten-
tem, Creatorem cœli & terræ.

Quid hoc sibi vult? Responsio.

Credo quod Deus creavit me, una cum o-
mnibus creaturis. Quod corpus & animam,
oculos, aures, & omnia membra, rationem
& omnes sensus mihi dederit, & adhuc susten-
tat: Ad hæc quod vestes & calceos, cibum &
potum, domum, uxorem, liberos, agros, ju-
menta, & omnia bona cum omnibus vitæ ne-
cessariis, copiose & quotidie largitur: Me
contra omnia pericula protegit, & ab omni-
bus malis liberat & custodit. Et hæc omnia ex
mera sua paterna & Divina bonitate & miser-
icordia, sine ullis meis meritis aut ulla di-
gnitate, pro quibus illi gratias agere, pleno o-
re laudem tribuere, inservire, obsequi, meri-
to debo. Hoc certissimè verum est.

AR

ARTICULUS SECUNDUS.

De Redemtione.

Et in JESUM Christum filium ejus unicūm Dominūm nostrūm: Qui conceptus est de Spiritu Sancto, natus ex Mariā virginē: Passus sub Pontio Pilato, crucifixus, mortuus & sepultus: Descendit ad inferna: Tertia die resurrexit à mortuis: Ascendit ad cœlos: Sedit ad dextram DEI Patris omnipotens: Inde venturus est judicare vivos & mortuos.

Quid hoc sibi vult? Responsio.

Credo quod JESUS Christus verus Deus à Patre ante secula genitus, idemque verus homo, natus ex Maria virginē, sit meus Dominus, qui me perditum & damnatum hominem redemit, & ab omnibus peccatis, à morte, à potestate satanæ liberavit: Non quidem auro & argento, sed suo sancto & precioso sanguine, suaque immoritâ passione & morte, ut ego essem propriè tuus & in suo regno sub ipso viverem, ac liberaliter servirem in perpetuâ justitiâ, innocentia, & beatitudine, perinde ac ipse à morte resurrexit, vivit & regnat in eternum. Hoc certissimè verum est.

AR-

ARTICULUS TERTIUS.

De Sanctificatione.

Credo in Spiritum Sanctum: Sanctam Ecclesiam Catholicam: Sanctorum communionem: Remissionem peccatorum: Carnis resurrectionem: Et vitam æternam, Amen.

Quid hoc sibi vult? Responsio.

Credo me propriis rationis meæ viribus JESU Christo Domino meo fidere, aut ad eum accedere & pervenire nullo modo posse. Sed Spiritus Sanctus per Evangelium me vocavit, suis donis illuminavit, in rectâ fide sanctificavit & conservavit. Quemadmodum solet totam Ecclesiam in terra vocare, congregare, illuminare, sanctificare, & in IESU Christo per veram & unicam fidem conservare: In qua Ecclesia mihi & omnibus Christianis, omnia peccata quotidie benignè remittit, & nos omnes in extremo die à morte suscitabit, ac mihi & omnibus in Christum credentibus vitam æternam dabit. Hoc certissimè verum est.

QUO PACTO PÆDAGOGI
SUOS PUEROS ORATIONEM
Dominicam simplicissimè docere
debeant. Pater

Pater noster qui es in cœlis.

Quid hoc sibi vult ? Responso.

DEUS amanter nos hac p̄afatiunculâ invitat, ut vere credamus eum nostrum verum Patrem, nosque ejus veros filios esse, ut eo confidentius plena fiducia eum invocemus. Quemadmodum videmus liberos certâ fiduciâ aliquid à parentibus suis petere.

Prima petitio.

Sanctificetur nomen tuum.

Quid hoc sibi vult ? Responso.

Nomen DEI per se quidem sanctum est, verum nos oramus hac petitione, ut apud nos quoq; sanctificetur.

Quâ ratione fit istud ? Responso.

Cum verbum DEI pure & sincerè docetur, & nos secundum illud, ut filios DEI decet, piè vivamus. Quod ut fiat dona nobis mi Pater, qui es in cœlis. Qui verò aliter docet vel vivit, quam verbum DEI docet, ille nomen DEI in-
ter nos profanat. Ne autem hoc accidat, tu prohibe mi Pater cœlestis.

Secunda petitio.

Adveniat regnum tuum.

Quid hoc sibi vult ? Responso.

Regnum DEI venit etiam per se, sine no-
stra

stra oratione , sed petimus hac preicatione , ut
ad nos quoque perveniat.

Quâ ratione fit istud? Responsio.

Cum Pater cœlestis dat nobis suum sanctū
spiritum , qui efficit gratia sua , ut sancto ejus
verbo credamus , ac piè vivamus , cum hoc
tempore , cum postea in aeternum .

Tertia petitio.

Fiat voluntas tua , sicut in Cœlo sic
& in terra .

Quid hoc sibi vult? Responsio.

Bona ac misericors DEI voluntas fit quoq;
sine nostra oratione , sed rogamus hac petitio-
ne , ut etiam fiat apud nos in cordibus
nostris .

Quâ ratione fit istud? Responsio.

Cum Deus frangit atq; impedit omne ma-
lum consilium , voluntatem & conatus , qui
obstant , quo minus nomen DEI sanctifice-
mus , regnumque ejus ad nos pervenire possit ,
ut est diaboli , mundi & carnis nostræ volun-
tas . Deinde cum confortat & conservat nos
firmiter in suo verbo & fide , usquè ad finem
vitæ nostræ . Hæc est misericors ac bona ipsi-
us voluntas .

QHAR-

Quarta petitio.

Panem nostrum quotidianum da nobis hodie.

Quid hoc sibi vult? Responso.

Deus dat quidem omnibus panem quotidianum, quamvis non petamus, etiam malis hominibus: at nos precamur hac petitione, ut cognoscamus hoc beneficium, atque ita panem nostrum quotidianum cum gratiarum actione accipiamus.

Quid autem significat panis quotidianus?

Responso.

Significat omne, quod ad vitæ nostræ necessitatem ac sustentationem pertinet; veluti cibum, potum, vestes, calceos, domum, aram, agros, pecudes, pecuniam, divitias, probam conjugem, probos liberos, probos servos, probum ac fidum Magistratum, bonum Reipublicæ statum, commodam aëris temperiem, pacem, sanitatem, modestiam & honorem, bonos amicos, fidos vicinos & id genus alia.

Quinta petitio.

Et dimitte nobis debita nostra, sicut & nos dimittimus debitoribus nostris.

Quid hoc sibi vult? Responso.

Petimus hâc preicatione, ne Pater cœlestis
velit respicere & examinare peccata nostra,
& propter ista nostram orationem repudiare:
Quandoquidem nullis rebus quas petimus, di-
gredi sumus, nec quicquam mereri possumus.
Sed ut velit nobis suâ gratiâ largiri omnia:
Quia quotidiè multifariam peccamus, & nihil
nisi poenas meremur. Ita & nos vicissim ex
corde condonabimus iis, à quibus in nos
peccatum est, illisque libenter benefaciemus.

Sexta petitio.

Et ne nos inducas in temptationem.

Quid hoc sibi vult? Responsio.

Deus quidem neminem tentat: Sed tamen
petimus hac petitione, ut ipse nos custodiat
& conservet, ne Sathanas, mundus & caro no-
stra nobis imponant, & nos à recta fide ad
superstitionem, desperationem, atque alia
gravia scelera & flagitia seducant. Et ut ma-
xime ejusmodi temptationibus sollicitemur,
ne succumbamus, sed ut tandem vincamus
ac triumphemus.

Septima petitio.

Sed libera nos à malo.

Quid hoc sibi vult? Responsio.

Oramus hâc preicatione, tanquam summa-

tim ut Pater noster qui in cœlo est, liberet nos ab omnibus malis ac periculis, corporis & animæ, bonorum & honorum. Et ut tandem, cum hora mortis venerit, felicem vitæ exitum largiatur, nosque pro sua gratuita bonitate, ex hac misericordiarum valle, ad se in cœlum recipiat.

A M E N.

Quid hoc sibi vult? Responso.

Ut ego sim certus, ejusmodi petitiones à Patre nostro cœlesti esse acceptas atque exauditas. Quia ipse nobis mandavit, ut ad istum modum oremus, promisitque se nos exauditum esse; Amen, Amen, id quod significat, certe, certe, hæc debent ita evenire.

QUO PACTO PÆDAGOGI
SUOS PUEROS SACRAMEN-
TUM Baptismi simplicissimè do-
cere debeant.

P R I M U M.

Quid est Baptismus? Responso.

Baptismus non est simpliciter aqua sed quæ sit Divino mandato inclusa, & verbo DEI comprehensa.

Quid est igitur tale verbum Dei? Resp.

Dominus noster JESUS Christus dicit,
Matthæi ultimo,

Eun-

Euntes docete omnes gentes, Ba-
ptizantes eos in nomine Patris, & Fi-
lii, & Spiritus Sancti.

SECUNDUM.

Quid præstat aut confert Baptismus? Resp,
Operatur condonationem peccatorum.
liberat à morte, & à Diabolo, donat æternam
beatitudinem omnibus & singulis, qui crea-
dunt hoc, quod verba & promissiones di-
vinæ pollicentur.

*Quæ sunt illæ Verba & promissiones
divinae? Responso.*

Ubi Dominus noster Iesus Christus di-
cit Marci ultimo.

Qui crediderit & baptizatus fuerit, salvus
erit, qui vero non crediderit, condemnabitur.

TERTIUM.

*Quæ potest autem aqua tam magnas res
efficere? Responso.*

Aqua procul dubio, tantas res non effi-
cit, sed verbum Dei juxta aquam & una cum
aqua & fides, quæ tali verbo Dei in aqua
credit. Quia aqua sine verbo Dei est simplici-
ter aqua & non Baptismus, Sed si verbum
Dei adjicitur, est Baptismus, hoc est, Sa-
lutaris aqua gratiæ & vite & lavacrum re-

generationis in Spiritu Sancto, sicut Paulus
aīt ad Titum 3.

Sed secundum suam misericordiam sal-
vos nos fecit per lavacrum regenerationis ac renovationis Spiritus Sancti, quem ef-
fudit in nos opulenter per Iesum Christum
Servatorem nostrum: ut justificati illius gra-
tia, hæredes efficeremur, juxta spem vitæ
æternæ. Indubitatus sermo.

QUARTUM.

*Quid significat autem ista in aquam
immersio? Responsio.*

Significat quod vetus Adam, qui adhuc
in nobis est, debeat subinde per mortifica-
tionem ac poenitentiam, in nobis submergi
& extingvi una cum omnibus peccatis &
malis Concupiscentiis, atque rursum quoti-
die emergere, ac resurgere novus homo,
qui in sanctitate & justitia coram Deo vivat
in æternum.

Ubi hoc Scriptum? Responsio.

Sanctus Paulus ad Romanos texto dicit.
Sepulti igitur sumus unâ cum Christo per
Baptismum in mortem, ut quemadmodum
excitatus est Christus ex mortuis, per glo-
riam patris, ita & nos in novitate vitæ
ambulemus?

QUO

QUO PACTO PÆDAGOGI
SUOS PUEROS BREVEM CON-
fitendi rationem simplicissimè
docere debeant.

Reverende & chare Domine, ego te per
Deum oro, da mihi ad animæ meæ conslo-
lationem fidele consilium.

Quidnam consilij expetis? Responso.

Ego miser homo, confiteor & conque-
ror tibi coram Deo Domino meo, quod
sim multorum peccatorum reus, adeo nul-
lis non iniuriantibus obnoxius. Mandata
Dei non servo, Evangelicæ doctrinæ non
verè credo, nihil boni facio. Mala & ad-
versa non patienter fero. Præcipue autem
perpetravi, hoc vel illud quod conscientiam
meam gravat. Quia propter quæsto, dic mi-
hi loco Dei, peccatorum meorum solutio-
nem & consolare me verbo Dei.

ALIA confitendi forma.

Ego liberè confitendo tanquam miser pec-
cator, accuso me coram Deo & apud te quod
omnis peccati & incredulitatis & blasphemie
DEI plenus sim. Sentio enim verbum
Dei nullum in me facere fructum: Illud
quod sapè audio, sed ex corde & serio non
amplector. Deinde charitatis officia erga

proximum non exerceo, irascor & invideo
illi, prosequens ipsum odio. Sum impati-
ens, avarus & ad omne malum propensus.
Quamobrem cor meum & conscientia mea
valde gravata sunt, libenterque ab ejusmo-
di peccatis liberarer. Obscro, ut velis
parvam fidem meam & conscientiam, per
verbum Dei atque promissionem consolari
& erigere.

ALIA.

Ex ordinatione Ecclesiarum Pomeraniae.

Reverende & chare Domine, ego te per
Deum oro, ut meam confessionem audire,
mihique peccatorum meorum remissionem
anunciare digneris.

DIC

Ego miser peccator confiteor eorum DÉO
& te, quod contra omnia præcepta DÉI,
cogitationibus, verbis & etiam operibus
multipliciter peccaverim! Quodque natura
in peccatis conceptus ac corruptus, sub ira
DÉI æternæ mortis reus sim. Quam ob rem
cor meum angitur, & doleo quod Deum
Dominum meum ad iram commoverim, e-
umque toto pectore oro, ut mihi omnia
peccata propter dilectum filium suum Domi-
num nostrum JESUM Christum gratis con-
dona.

donare, & cor meum spiritu tuo donare
et renovare velit: Quemadmodum divino
eius verbo credo atque confido. Quando-
quidem ergo à Christo ipso mandatum ha-
bes remittendi peccata pœnitentiam agen-
tibus; itaque per Christum ego te rogo, ut
me verbo Dei erigere ac consolari, & in
nomine IESU Christi remissionem peccato-
rum mihi annunciare, ejusque corpus &
sanguinem in Sacramento ad fidei meæ con-
firmationem porrigerem digneris. Ego polli-
ceor me, adjuvante Deo, vitam in melius
emendaturum esse.

Cur vis Sacramentum Altaris sumere ē Resp.

Propterea quod volo animam meam, ex
æquo DEI verbo signoque confirmare, & ita
peccatorum meorum gratiam consequi.

*Tu tamen in confessione consequeris remissionem
peccatorum?* Responso.

Quid tum postea. Ego volo etiam Sacta-
mentum, nobis à Christo tanquam signum
gratiæ relictum, simul cum verbo sumere,
atque ita verbum Dei subinde accipere.
Quo enim saepius eō melius.

**QUO PACTO PÆDAGOGI
SUOS PUEROS SACRAMEN-**
tum Altaris simplicissimè docere
debeant

Quid

Quid est Sacramentum Altaris? Responso.

Sacramentum Altaris, est verum corpus & verus sanguis Domini nostri Iesu Christi, sub pane & vino, nobis Christianis ad manducandum & bibendum, ab ipso Christo institutum.

Ubi hoc scriptum est? Responso.

Sic scribunt sancti Evangelistæ, Matthæus, Marcus, Lucas & sanctus Paulus.

Dominus noster Iesus Christus, in ea nocte, qua traditus est accepit panem, & postquam gratias egisset, fregit & dedit discipulis suis, dicens: Accipite comedite. Hoc est corpus meum, quod pro vobis datur. Hoc facite in mei commemorationem,

Similiter & postquam cœnavit, accepit calicem, & cum gratias egisset, dedit illis dicens: bibite ex hoc omnes. Hic calix novum Testamentum est in meo sanguine, qui pro vobis & multis effunditur in remissionem peccatorum. Hoc facite quotiescumque biberitis in mei commemorationem.

Quid vero prodest sic comedisse & bibisse?

Responso.

Id indicant nobis hæc verba: Pro vobis datur & effunditur in remissionem peccatorum; Nempe quod nobis in hoc Sacramen-

to condonatio peccatorum vita & justitia
per hoc verba tribuantur. Ubi enim remissio
peccatorum est, ibi est & vita & justitia.

*Quis potest corporali manducatio tam magnum
quid efficere? Responsio.*

Manducare ac bibere equidem non effi-
ciunt id, sed illa verba quæ hic stant: PRO
VOBIS datur & effunditur in remissionem
peccatorum. Quæ verba sunt circa corpo-
ralem hujus cibi ac potus participationem, tan-
quæ caput & summa in Sacramento. Et qui si-
dit his verbis, ille habet quod dicunt ac so-
nunt: Nempe remissionem peccatorum.

Quis autem utitur hoc Sacramento digne?

Responsio.

Jejunare & corpus suum præparare, est qui-
dem bona & externa disciplina. At ille est ve-
rè dignus ac probè paratus, qui habet fidem
in hæc verba: PRO VOBIS datur & effundi-
tur, in remissionem peccatorum. Qui vero his
verbis non credit aut de illis dubitat, ille est
indignus ac imparatus. Quia hoc verbum,
PRO VOBIS, requirit omnino corda cre-
dentia.

QUO PACTO PÆDAGOGI
suos pueros potestatem clavium regni
cælorum simplicissimè docere
debeant;

PRI

P R I M U M.

Quid sunt claves regni cœlorum? Resp.

Claves regni cœlorum sunt potestas, quam Dominus noster JESUS Christus super terram in Evangelio instituit, pœnitentibus peccatoribus peccata solvendi, impenitentibus peccatoribus peccata ligandi, ut verba Christi sonant.

Quæ sunt illa verba Christi? Resp.

Ubi Dominus noster JESUS Christus dicit, Johannis vigesimo.

Sicut misit me Pater, ita & ego mitto vos, accipite Spiritum Sanctum. Quorumcunque remiseritis peccata, remittuntur eis; Et quorumcunq; retinueritis, retenta sunt.

S E C U N D U M.

Quid conferunt claves, aut ad quid præsunt? Responsio.

Id indicant hæc verba: Quorumcunq; remiseritis peccata, remittuntur eis: Nempe quod credentibus remissio peccatorum, in nomine JESU Christi, ejus morte & sanguine acquisita applicetur, ut fides confirmetur & conscientia certa ac tranquilla reddatur. Fidem enim comitatur pax in corde, postquam peccata remissa sint.

T E R T I U M.

Quo

Quomodo potest homo peccata remittere?

Responso.

Homo id sane non facit, ut homo per se, sed ratione officii mandato Christi; ut haec verba sonant: *Quorum remiseritis peccata, remittuntur eis.* Accipite Spiritum Sanctum. Quemadmodum enim Filius hominis habet potestatem in terris remittendi peccata, sic eandem potestatem in ministerio Evangelii instituit, ubi inquit: *Sicut misit me Pater: Ita & ego mitto vos.* Johannis vigesimo capite. Item: *Qui vos audit, me audit;* Matthæi decimo capite.

Q U A R T U M.

Quibus peccata sunt remittenda? Resp.

Qui corde humili & credenti per JESUM Christum gratiam & consolationem expectunt. Ut Christus dicit Paralytico, Matth. 9. *Confide fili, remittuntur tibi peccata tua.* Et peccatrici contritæ Lucæ 8. *Remissa sunt tibi peccata tua:* *Fides tua te salvam fecit, Vade in pace.*

Quibus peccata sunt retinenda? Resp.

Omnibus impenitentibus & incredulis, qui in peccatis contumaciter perseverant & omnes prias admonitiones contemnunt. Ut Christus docet Matth. 18, *Si peccaverit in te frater tuus,*

yade

vade & argue eum inter te & ipsum solum. Si te audierit, lucratus es fratrem tuum: Si vero te non audierit, adhibe tecum adhuc unum aut duos; ut in ore duorum aut trium testimoniū constat omne verbum. Quod si non audierit eos dic Ecclesiæ. Quod si Ecclesiam non audierit, sit tibi veluti Ethnicus & publicanus.

QUO PACTO PÆDAGOGI SUOS PUEROS FORMAM BE- nedictionis, unam manè, alteram ve- spere dicendam, simplicissimè do- cere debeant.

Manè cum surgis è lecto, signabis te signo
sanctæ crucis dicens:

In nomine Patris, & Filii, & Spiritus San-
cti, Amen.

Deinde innitens genibus, vel flans, dicas Sym-
bolum & orationem Dominicam: Si vis, potes
& hanc precatiunculam addere.

Gratias ago tibi mihi Pater coelestis, per JE-
sus Christum Eilium tuum dilectum,
quod me hac nocte ab omnibus incommodis
ac periculis conservasti. Oro: ut velis me hac
die quoque conservare à peccato & omnibus
malis, ut tibi omnia mea facta, atque adeo
tota vita beneplaceant. Quia ego me, meum
que corpus & animam, & omnia in manus
tuas

tuas commendō? Tuus sanctus Angelus sit
mecum, ne Diabolus ullum jus in me repe-
riat, Amen.

Postea alacriter ad tua studia tibi accedendum.
Vesperi cum conferes te cubiculum, signabis te
signo sanctæ crucis dicens:

In nomine Patris, & Filii, & Spiritus
Sancti, Amen.

Deinde innirens genibus vel stans, dicas Sym-
bolum & orationem Dominicam: Si vis, potes
hanc precatiunculam addere.

Gratias ago tibi mihi Pater cœlestis, per JE-
sus Christum Filium tuum dilectum,
quod me hoc die gratuitâ misericordiâ custo-
divisti. Oro te, ut velis mihi condonare o-
mnia peccata mea, quæ injustè perpetravi,
velisque me hac nocte tuâ gratiâ benignè con-
servare. Quia ego me, meumque corpus, ani-
mam, ac omnia in manus tuas committo:
Tuus sanctus Angelus sit mecum, ne Diabo-
lus ullum jus in me reperiat, Amen.

Arg; ita tandem securè & tranquillè
dormiendum.

QUO PACTO PÆDAGOGI SUOS
Pueros Benedictionem Mensæ & gra-
tiarum actionem simplicissimè
docere debeant.

BENEDICTIO MENSÆ.

Pueri debent complicatis manibus, modestiam præferentes, ante mensam stare ac dicere.

Oculi omnium in te sperant Domine, & tu das escam illorum in tempore opportuno: Aperis tu manum tuam, & impletas omne animal benedictione. Gloris, &c.

S C H O L I A.

Benedictio significat hic, quod omne animal tantum cibi nanciscitur, ut propterea sit latum & hilari animo. Nam cura & avaritia ealem benedictionem impediunt.

Deinde orationem Dominicam, cum oratione sequenti.

Domine Deus Pater coelestis, benedic nobis & his donis tuis, quæ de tua largitate sumus sumpturi, per Jesum Christum Dominum nostrum, Amen.

GRATIARUM ACTIO.

Sic quoque post cibum sumptum, debent ad eundem modum modestè complicatis manibus dicere.

Confitemini Domino quoniam bonus, quoniam in eternum misericordia ejus. Qui dat escam omni carni, qui dat jumentis escam ipsorum, & pullis corvorum iuvantibus eum. Non in fortitudine equi voluntatem

tem habebit, neque in tibiis viri beneplacitum erit ei. Beneplacitum est Domino super timentes eum, & in eis, qui sperant super misericordia ejus. Gloria Patri, & Filio, & Spiritui Sancto; sicut erat in principio, & nunc & semper & in secula seculorum, Amen.

Deinde orationem Dominicam, cum oratione sequenti.

Gratias agimus tibi Domine Deus Pater, per Iesum Christum Dominum nostrum, pro universis beneficiis tuis qui vivis & regnas in secula seculorum, Amen.

ELEGANTES QUÆDAM SCRIPTURÆ Sententiae, pro omnibus sanctis ordinibus ac statibus, per quas illi tanquam propria quadam lectione, sui officii & munieris admonentur.

EPISCOPIS PAROCHIS ET CONCIONATORIBUS.

Oportet igitur Episcopum irreprehensibilem esse, unius uxoris maritem, vigilantem, sobrium, modestum, hospitalem, aptum ad docendum, non vincentum, non percussorem, non turpis lucri cupidum, sed æquum, alienum à pugnis, alienum ab avaritia, qui suæ domui bene præsit, qui liberos habeat in subjectione cù omni reverentia, non novatores, &c. I. ad Tim. 3. & ad Tit. 1. Quid

QUID DEBENT AUDITORES

Episcopis suis.

Dominus ordinavit his, quui Evangelium annunciant, de Evangelio vivere, 1 Cor. 9. Communicet Doctori omnibus bonis, is qui docetur verbo Gal. 6. Qui bene præsunt, presbyteri, duplii honore digni habentur, maximè qui laborant in verbo & doctrina. Dicit enim Scriptura: Non alligabis os bovi trittranti: Et dignus est operarius mercede suâ. Ipsi enim vigilant, quasi rationem pro animabus vestris reddituri, ut cum gaudio hoc faciant, & non gementes, hoc enim non expedit vobis, Hebr. 13.

DE MAGISTRATIBUS.

Omnis anima potestatibus supereminentibus subdita sit. Non enim est potestas nisi à Deo: quæ vero sunt potestates, à Deo ordinatae sunt. Itaque quisquis resistit potestati, Dei ordinationi resistit: qui autem resisterint, sibi ipsi judicium accipient. Non enim frustra gladium gestat. Nam Dei minister est, ultius ad iram ei, qui quod malum est fecerit. Rom. 13.

QUID SUBDITI MAGISTRA- TIBUS DEBEANT.

Reddite quæ sunt Cæsaris, Cæsari, Matt. 22. Omnis anima potestatibus sublimioribus subdita

dita sit. Ideoque necessitate subditi estote, non solum propter iram, sed etiam propter conscientiam.

Ideo enim & tributa praestatis. Ministri enim Dei sunt, in hoc ipsum servientes. Redite ergo omnibus debita, cui tributum, tributum: Cui vectigal, vectigal: Cui honorem, honorem: Rom. 13. Adhortor prius omnium fieri obsecrationes, orationes, interpellationes, gratiarum actiones, pro omnibus hominibus, pro Regibus & omnibus qui in sublimitate constituti sunt, ut quietam & tranquillam vitam agamus cum omni pietate & gravitate, 1. Tim. 2. Admone illos, Principibus & potestatibus subditos esse, Tit. 3. Subditi estote omni humanæ creaturæ propter Dominum, sive Regi sive ministris tanquam ab eo missis &c. 1. Pet. 2.

MARITIS.

Viri similiter cohabitent cum uxoribus secundum scientiam veluti infirmiori vesti muliebri impertinentes honorem, tanquam etiam coheredibus gratia, vita ne interrumptur praeses vestrae. 1. Pet. 5. Viri diligite uxores vestras & ne sitis amarulenti aduersus illas ad Col. 3.

UXORIBUS

Similiter uxores subditæ sibi vestris viris

tanquam Domino; quemadmodum Sara obediuit Abrahæ, dominum illum appellans, cujas factæ estis filiæ, dum benefacitis & non terremini ullo pavore. I. Pet. 3.
PARENTIBUS.

Patres non provocetis ad iram liberos vestros: Sed educetis eos per eruditionem & correptionem Domini, Eph. 5.

LIBERIS.

Filiæ, obedite parentibus vestris in Domino, nam id justum est. Honora patrem tuum & matrem tuam. Quod est præceptum primum in promissione, ut benè tibi sit, & sis longævus in terra Ephes. 6.

*SERVIS, ANCILLIS, MERCENARIIS,
& ceteris ad laborem conauictis*

Servi obedite ijs, qui Domini sunt juxta carmen cum timore ac tremore, simplicitate cordis vestri, tanquam Christo, non ad oculum servientes velut hominibus placere studentes, sed tanquam servi Christi, facientes quæ vult Deus ex animo, cum benevolentia servientes Domino & non hominibus. Illud scientes, quod unusquisque quod fecerit boni, hoc reportabit à Deo, sive seruus fuerit, sive liber. Eph. 6.

*PATRIBUS FAMILIAS ET
Matribus familias* Et

Et vos Domini eadem facite erga illos remittentes minas, scientes; quod & uester ipsorum Dominus est in cœlīs, nec persona respectus est apud illum, Eph. 6.

COMMUNI JUVEN TUTL.

Similiter juniores subditi estote senioribus: Sic ut omnes alijs alii vicissim subjiciamini, Humilitatem animi vobis infixam habete, propterea quod Deus superbis resistit, humilibus autem dat gratiam. Humiliemini igitur sub potenti manu Dei. 1. Pet. 3.

VIDUIS.

Porro quæ vera vidua est ac orbata viro, sperat in Deum & perseverat in observationibus ac precationibus noctu dieq; ; sed quæ in delitiis versatur, ea vivens mortua est, 1. Tim. 5.

OMNIBUS IN COMMUNI.

Dilige proximum tuum sicut te ipsum; in hoc sermone omnia præcipia summatim comprehenduntur. Rom. 13. Et ante omnia fiant deprecationes, obsecrationes, interpellationes, gratiarum actiones pro omnibus hominibus, &c. 1. Tim. 2.

Cuique sic imprimis magna sua lectione cura, ut domus officiis stet bene recta suis.

Ein jeder Lehrn sein lection

So wtd es wol im hause seyn;

ELEMENTA CHRISTIANÆ
RELIGIONIS SCRIPTA IN VER.
SICULOS per

JOHANNEM SAUROMANNUM.

DECEM PRÆCEPTA.

I.

Non aliena tuis venerabere numina votis.

2.

Sume Deique tui vanos nec nomen in usus,

3.

Septima sacra coles, opera feriatus ab omni.

4.

Semper honore tuos merito reverere parentes

5.

Non hominē quemquā crudeli morte necabis

6.

Alterius caveas, lectum temerare jugalem.

7.

Non furtum facies digitos cohibebis ab illo.

8.

Testis es accitus, nil attestabere falso.

9.

Nullius ad festes spacio sum tecta per orbe m.

10.

Alterius nuptam, servum, famulas & asellos.

STM.

S Y M B O L U M.

Credo pia nostrum ratione Deumq; Patremq;
Omnia quem statuo Numine posse suo.
Qui nitidis stellis clarum fabricavit Olympum.
Cujus & est verbo terra creata pio.
Credo quoq; in Christum simili pietate colendum.
Unicus est nostri Filius ille DEI.
Huic omnis Patrii est subjecta potentia regni:
Qui regit arbitrio cuncta creata suo.
Tempore praedito fuerat conceptus in alvo
Vrgineâ, à Flatu Numinis ille sauro.
Postmodò conceptum peperit purissima virgo,
Quæ Maria est certo nomine dicta suo.
Quicquid erat passus sub iniquo multa Pilato,
Præside Iudei Cæsareo populi.
Affixusque cruci, miseranda morte necatus.
More Palestino deinde sepultus humo.
Interea vindex ad tartara cæcas recessit.
Jus adimens nigris imperiumque diis.
Ter ubi præbuerat mundo sua lumina Titan,
Surrexit propriis viribus ille suis.
Stelligeras scanditq; domos; ubi Cunctipotentis
Proximus ad dextram nunc sedet usq; Patrio.
Inde redibit ut & vivos vitaque carentes
Judicet, inquirens quæ sit in orbe fides,
Inde Dei Flatum credo spimbile Numen:
Cujus alunt vitam Flamine curcta suam.

Confiteor sanctos homines etumque piorum,
In quibus est veri culeus amore DEI.
Quos, quod habent IESU communia dogmata
Christi,

Communi dicunt nomine Christicolas.

Omnia per Christum fateor peccata remitti,

Omnibus his quibus est indubitate fides.

Credo quod haec olim rursus caro nostra resurget:

Quodq; procul dubio vita perennis erit.

ORATIO DOMINICA.

Chare patrēs summi residens super aethera cœli
Clarescat sanctum nomen ubiq; tuum.

Adveniat magnum latè tua regna per orbem,

Nosque regat Sanctus Spiritus ille tuus.

Fiat & in terris itidem tua ritè voluntas,

Arque solet fieri sedibus aethereis.

Da nobis hodiè potumque cibumque salubrem,

Erudias verbo pectora nostra tuo.

Da veniam nostræ dimitens debita culpæ:

Nos siquidem facimus debita missa altis.

Ne nos tam gravibus feriat tentatio curis,

Cogat ut his nostram succubuisse fidem.

Sed quaecunq; solent nostra contingere vita,

Omnibus eripias nos Pater, oro, malis.

D E S A C R A M E N T O BAPTISMI

Chris-

Christus ad æthereas cum vellet scandere se-
Dixit discipulis talia verba suis: (des,
Pergite ad extremas, ô vos meæ viscera, gentes,
Cunctos doctrinam ritè docere meam.
Inque Patris Natiq; & Flatus nomine sancti,
Mortales undis sponte lavare facis.
Nam qui crediderit, lotusque erit amne salubre,
Hunc bona perpetuō, vita salusque beane.
Qui sine salvifica fuerit pietate fideque,
Hunc bona destinuent, vita salusque simul.

DE SACRAMENTO ALTARIS.

Nocte Sacramentū Dominus quā traditus hosti
Instituit, firmæ fœdus amicitiae.
Accepit panem, gratesque ubi ritè peregit,
Discipulis tribuit, sic referendo, suis.
Hunc, caro namq; mea est credentes sumite panē.
Quomodo pro vobis morte necanda datur.
Hunc quoties editis memores bene clarâ referte,
Ex æquo vitæ facta necisque mee.
Sic ubi cœnavit, vini liquore repleta,
Apprendit manibus pocula deinde piis.
Utque Patri grates solida pietate peregit,
Porrexit sociis illa bibenda suis.
Et que ait, hoc jubeo cuncti simul inde bibatis,
Munera sunt veri sanguinis ista mei.

Quam

Quem modo pro vobis, crucifixo corpore fundā,
Quo sit peccati gratia cuique sui.
Hunc quoties bibitis, memores beneclarā referte
Ex aequo vite facta necisque meæ.

BENEDICTIO MENSÆ.

His epulis donisque tuis benedicito Christe.
Ut foveant iussu corpora fessa tuo.
Non alit in fragili panis modo corpore vitam.
Sermo tuus vite tempora longa facit.

GRATIARUM ACTIO.

Postquā epulis exempta fames, mensaq; remota,
Dicemus grates nos tibi summe Pater.
Non bæc humanas vires alimenta juvabunt,
Divinā si non bæ foveantur opes.
Namq; tuo vivunt vegetata à Numine cuncta,
Afflatu spirant cuncta valentque tuo.
Cumq; epulas dederis, rerum Pater optime nobis,
Adde epulis vires pro bonitate tua.
Nunc etiam gratis animis alimenta ministra,
Atque immortali pectora pasce cibo.
Et quia cura sumus tua, nos Pater optime serva,
Et studia & vita tempora cuncta regens.



In-

Institutio Puerorū tribus absolvitur partibus, pietate, honestis moribus, & bonarum literarum studiis. De quibus singulis sequuntur sententiolas.

PIUS EST O.

Pietas ad omnia utilis est, promissiones habens & praesentis & futuræ vitæ: itaque Te ipsum ad pietatem exerceto. *1 Tim 4:7.*
Est quæstus magnus pietas, & sua forte contentum esse.

Juveniles, cupiditates fuge; justitiam, fidem, caritatem, pacem una cum iis, qui Dominum sincero animo invocant, perseguere. *en spece 2 Tim 2:22.*

T. DEUM A M A.

IN eo patuit Dei erga nos amor, quod Filium suum unigenitum misit Deus in mundum, ut per eum vivamus.

Recordare IElum Christum ex mortuis excitatum. *2 Tim 2:8.*

SI quis Dominum JESUM CHRISTUM non amat, esto detestabilis.

VERERE DOMINUM

Nam ei qui timet Dominum, bene erit in extremis, & in die mortis suæ inveniet gratiā. *Cyn. 8:13.*

Ls

Ne

13 octobre

Ne time Fili mi, quod pauperis: exi-
stunt tibi multa si timueris Deum & absti-
teris ab omni peccato, fecerisque quod be-
neplaceat coram ipso.

MEDIA SUNT PRECES.

Continenter orate, in omni Deo gratias a-
gite: nam ea est Dei de vobis, qui sitis
Iesu Christi, voluntas. *Heb. 5:17. 18*

SCRUTINIUM S.S.^æ.

Scrutamini scripturas, quandoquidem in
eis vos, æternam habere vitam putatis, &
ea sunt, quæ de me (Christo) testantur.

A Pueris discenda sunt sacræ literæ,
quæ possunt erudire ad salutem per fidem
Iesu Christo habendam. *2 Tim. 3:15.*

SOLLICITA SUI OBSERVATIO.

Prae omni custodia, custodi cor tuum: ab
illo enim sunt exitus vita. *2 Tim. 4:23.*

Scimus, quisquis ex Deo natus est, cum
non peccare: nam ex Deo natus se ipsum
servat, nec cum malus attingit.

Flecto mea genua ad Patrem. Domini
nostrum Iesu Christi, ex quo omnis & in coe-
lis & in Terra denominatur cognatio, ut
pro sua gloriosa opulentia det nobis forti-
ter corroborari per suum spiritum in inter-
iore hominem. Quo habitet Christus

(ANNO 1724) per

per fidem in nostris animis. & simus in caritate radicati & fundati, ut comprehendere atque cognoscere valeamus, una cum sanctis omnibus, quam late longeque quam alte ac sublime pateat, & quam omnem cognitionem excedat amor Christi, quo implamini in omnem plenitudinem Dei; Ei vero, qui ea vi, quam viget in sanctis suis, potest omnia longe longeque copiosius facere, quam nos poscere aut cogitare, Ei, inquam, gloria in Ecclesia per Christum Iesum in omnem omnium seculorum perpetuitatem, Amen.

Vel brevius: Dominus vero nostros dirigat animos ad Divinam charitatem Christianamque patientiam.

Itaque Iesum omnes agnoscite, amorem ejus poscite, Iesum ardenter querite, quaerendo in ardore scite, & rursus: Iesu mi bone sentiam, amoris tui copiam, da mihi per presentiam, tuam videre gloriam.

II DE PIETATE LIBERORUM IN PARENTES.

Vos liberi obedite vestris parentibus in Domino: Id enim æquum est. Honora tuum Patrem atque Matrem, quod primum est cum

Hermannum Rinckelius pro

promissione præceptum, quod tibi bene sit &
vivas in terra diu. Exod. 6:1.

In opere & sermoni honorā Patrem tuum,
ut superveniat tibi benedictio ab ipso. Et ma-
ledictus à Domino, qui ad iram provocat
Matrem suam. Syr. 3:9.

Fili mi si mortuus fuero, sepeli me, & ne
despicias Matrem tuam: Honora eam omnes
dies vitæ tue, & fac quod placet ipsi, neque
tristitia afficias eam, Memento Fili quod mul-
ta viderit pericula super te in utero.

DE OFFICIO JUNIORUM ERGA SUPERIORES.

Juniores parete senioribus, & omnes invi-
cem obsequendo, modestiam complectimi-
ni: Nam Deus & superbis aversatur & mode-
storum fautor est.

Coram canitie surges & honorabis facies
senis: Timebis enim tibi à Deo tuo. Ego Je-
hova.

Exemplum inobedientiæ in pueris Beth-
licis Eliæum irridentibus, qui à duabus Ursis
dilacerpuntur quadraginta numero: Historia
hæc est: Cum ascenderet Eliæus inde Bethelem,
ille erat ascendens in viâ, cum pueri parvi ex-
suerunt

iverunt ex urbe & illis serunt illi: dixeruntque
illi: Ascende calve, ascende calve, respexit
vero viditque eos, ac maledixit illis in nomine
Jehovah, exiveruntque itaque duæ ursæ ē sil-
da discerperuntque de illis quadraginta &
duos pueros.

DE PIETATE DISCIPULORUM IN PRÆCEPTORES.

**PRÆCEPTORES UT PARENTES AMA
ET REVERERE,**

Parete Præceptoribus vestris, & obsequi-
-ini, nam ii pro animabus vestris vigilant,
(nonem reddituri) ut id cum lætitia fa-
non gementes: nam id ē re vestra non

Qui Præceptores suos contemnit, non ho-
minem sed Deum contemnit.

DE MORIBUS IN DOMO.

NEmo parvi aestimet tempus, quod in ver-
bis consumitur otiosis: scitote autem,
quocunque otiosum verbum locuti fuerint,
homines reddituros esse ejus rationem, im-
die judicij, ex tuis enim dictis absolveris, &
ex tuis dictis enim dam haberis.

Ob

Obscene ne dixeris: nulla vitiosa oratio
ex ore vestro prodeat, sed si quæ bona est ad
instructionem, quæ sit opus, ut auditoribus
beneficium conferat. Neve sanctum Dei
Spiritum, contristate quo consignati etsis
ad liberationis diem.

Domi Te officiosum præbe. omni-
cemis. Ne sis garrulus. Neminem læue.
Mensam cum tempus est consecra: Sumto
cibo DEO temper-gratias agito. Cultui ad-
sit mandicias. Ne prodeas in publicum
impexo capite.

Cibi & potus, quantum valitudini satia-
est sumito. Moderato somno uit-
num auxilium in studiis invoca.

DE MORIBUS IN PLA

IN plateis modestum te gere. Mode-
stiam in eundo præte fert, nam ex inge-
su prospicitur animi habitus.

In plateis non est vociferandum & liti-
gandum

Dimissus cum silentio domum repeate.

Ne usquam restiteris. Latinè semper &
ubique loquere.

Quibus debes honorem exhibe.

Ho-

Honestos viros & mulieres præter
caput reverenter aperi.

DE MORIBUS IN LUDO LITE- RARIO. *S. Schola.*

horam auditam in Scholam veniens
cum est.

Scholam assiduè frequenta.

Scholam ingressus in tuam decuriam statim te confer.

In Schola quietus sede, nec huc & illuc per sedilia discursites.

Quæ memoriter pronuncianda sunt, tacitus disce & repeate.

In ludo turbas ne exites. neminem in sodalibus læde. Cave ne merito vapules. Præceptoris te assiduum & attentum præbe. Ingenius puer, absente Magistro & præsente semper idem est. In absentia præceptoris virtus probatur discipuli. Nunquam ociosus esto. Omne tempus vacuum studiis periisse puta. Animus ab evagando cohibe.

Neminem injuria affice. Causam tuam defer ad Præceptorem Te ipsum non ulciscere. Neminem deferes odio.

Pauca loquere, multa audi. Sermonem ne precipites,

Verba

Verba clare & distincte proferenda sunt.
A mendacibus abhorre. Peccatum admissione
ne nega sed confitere & gratiam ejus petito.
Aliena furio ne suferas. Inventa libenter
restitue, tua ne iactes.

DE MORIBUS IN TEMPLO.

Templum, junctus alteri puero, ingreditur.
Ne strepitum pedibus excites, cum Tem-
plum ingredieris, vel illud exis. Ingressus ad
religionem te compone. Ausculta religiosè.
Nihil loquere astanti puero. Cum cantan-
dum est cane. Præcinentem canendo le-
quere. Ad nomen IESU genua flecte. Æde-
sacra exiens, obvio puero te modeste con-
jungito. Ubi in ludum couventum asside
est & tace.

Sic cum IESU Sapientia & ætate & gratia
tum apud Deum proficies tum a-
pud homines.

FINIS.



~~309~~ IX. 80.

Rv. Katakliss. 2.

